



CONVOCATORIA PA ESCOYER PROPUESTES Y PROGRAMAR DEPUÉS DELLOS CIRCUITOS QU'AYUDEN A LA PROMOCIÓN Y DINAMIZACIÓN DE DISCIPLINES ARTÍSTIQUES Y CULTURALES NEL PRINCIPÁU D'ASTURIAS

EL PROYECTU.

La Sociedá Pública de Xestión y Promoción Turística y Cultural del Principáu d'Asturias (d'equí p'alantre, la SPXP) tien ente los sos fines la prestación de toa clas de servicios pa la promoción del sector y actividaes turístiques y culturales del Principáu d'Asturias.

Pente medies de resolución de la Consejería de Cultura, Política Llingüística y Turismu, encomendóse a la SPXP la xestión de los circuitos culturales d'Asturias, que consisten en programes de cooperación cultural ente l'Alministración del Principáu d'Asturias y los Conceyos asturianos que tienen como finalidá esparder una programación cultural de calidá per tol territoriu asturianu.

Existen circuitos temáticos dedicaos a disciplines como les artes escéniques, artes visuales, música, cine, lliteratura, difusión de la cultura tradicional, la historia y el patrimoniu asturianu, pudiendo crease otros adicionales o suprimise dalgún de los existentes por determin de la dirección xeneral competente en materia cultural.

La xestión de los circuitos culturales ha axustase a estos requisitos:

- Cada circuitu cultural va tener la so propia organización, basándose nunes convocatories públiques onde han fixase los criterios pa conformar el rexistru de producciones que van ser susceptibles de programase, amás de pa que les valoren y escueyan los Conceyos.
- Van poder formar parte de los circuitos culturales tolos consistorios del Principáu d'Asturias que lo pidan, y colos que la SPXP va sotribuir un conveniu de collaboración onde han concretase los detalles de la programación del circuitu y los porcentaxes de cofinanciamientu de cada obra o actividá que lu integre.
- Los circuitos tienen la finalidá de promover la programación cultural per tol territoriu asturianu, amás de potenciar y sofitar el llabor de los profesionales de la cultura asturiana. Por eso, la dirección xeneral competente en materia de cultura va poder crear catálogos de producciones culturales profesionales d'Asturias y establecer que la pertenencia a estos seja una condición pa participar nos circuitos culturales oxetu d'esta encomienda de xestión.

Van poder establecese alcuerdos de collaboración con circuitos culturales d'otres comunidaes autónomes pa que, en condiciones de reciprocidá, pueda dase la programación de producciones culturales de profesionales y empreses d'otres comunidaes autónomes nos circuitos asturianos.

Estos circuitos preséntense con una finalidá común doble: per una parte, promocionar, difundir y exhibir el trabayu de los y les creadores profesionales, y per otra, llevar una programación cultural de calidá a los conceyos asturianos usando pa esto les infraestructures culturales municipales.



Les artes escéniques, la música, la lliteratura, les artes visuales, la difusión de la cultura tradicional, la historia y el patrimoniu asturianu son productos culturales y manifestaciones artísticas qu'ayuden al desenvolvimientu económico, la creación d'emplegu y el caltenimientu de la diversidá cultural y, por eso, manifestaciones culturales propuestes pa conformar los circuitos.

Cola creación d'un circuitu de cada disciplina búscase xenerar una uiferta artística diversa y de calidá, fomentar el desenvolvimientu de los vezos y el consumu culturales ente públicu distinto na so contorna más averada y dar a conocer la diversidá de xéneros y formatos artísticos y complementar les programaciones habituales de los Conceyos.

Basándose no espuesto, la SPXP promueve una convocatoria pa escoyer espectáculos y actividaes de disciplines artísticas y culturales fechos o propuestos por compañías profesionales, productores, editoriales, creadores, instituciones culturales o artistes afincaos nel Principáu d'Asturias o con propuestas rellacionaes cola rexón. A partir de la escoyeta va conformase un catálogu dixital diversu d'espectáculos y actividaes por cada disciplina que va ponese a disposición de los Conceyos que tean interesaos en sumase a esta iniciativa.

1.- OXETU DE LA CONVOCATORIA.

L'oxetu d'esta convocatoria ye escoyer proyectos artísticos y culturales pa la ellaboración de dellos catálogos dixitales que valgan como base pa programar depués dellos espectáculos y actividaes, que van representase o exhibise en sales o espacios culturales diferentes asitiaos en dellos conceyos del Principáu d'Asturias del 1 de xunetu al 31 d'avientu.

Ta prevista la ellaboración d'un catálogu dixital pa caúna d'estes disciplines:

- a) Proyectos d'artes escéniques.
- b) Proyectos musicales.
- c) Proyectos lliterarios.
- d) Proyectos de divulgación de la historia, l'arqueoloxía, el patrimoniu, la cultura popular y la tradición asturiana.

Les disciplines artísticas que pola so singularidá nun tean incluyíes nesta convocatoria van ser oxetu d'una convocatoria específica.

Con esta convocatoria establecense les bases y requisitos que van rexir el procedimientu pa escoyer los espectáculos o actividaes que van integrar los catálogos dixitales con respetu a los principios de publicidá, llibre concurrencia y oxetividá.

2.- PUBLICACIÓN Y PUBLICIDÁ.

Esta convocatoria y bases, amás de la resolución del procedimientu, van publicase na páxina web de la SPXP www.asturiasculturaenrede.es, ensin perxuiciu de los medios complementarios de difusión que la SPXP valore usar.

3.- BASES DE LA CONVOCATORIA.

Nesti apartáu regúlense los requisitos qu'ha cumplir cada proyectu pa poder presentase a formar parte del catálogu dixital que se xenere de cada disciplina.



Con esta mira, establecense cuatro categoríes diferentes:

- 3.1. Artes escéniques.
- 3.2. Música.
- 3.3. Lliteratura.
- 3.4. Divulgación de la historia, l'arqueoloxía, el patrimoniu, la cultura popular y la tradición asturiana.

Cada actividá o espectáculo va poder presentase namás a una categoría y/o circuitu.

Nun van programase espectáculos, conciertos o actividaes lligaos a la celebración de fiestes patronales o eventos locales.

La SPXP nun va correr colos gastos de derechos d'autor que puedan xenerase pola exhibición de los espectáculos o la programación d'actividá que resulten escoyíos, d'alcuerdu coles condiciones establecías pola SGAE (Sociedá Xeneral d'Autores y Editores) o pola entidá xestora de los derechos mentaos. Estos va asumilos el Conceyu que programe l'actividá. El profesional o entidá que presente proyectu tien qu'espresar nel apartáu correspondiente si'l proyectu tien derechos d'autor y les características d'estos (porcentaxe sobre'l caché, costu fixu, etc.).

Desque se resuelva la convocatoria pa la ellaboración de los catálogos y se pongan a disposición de los concejos, los conceyos interesaos han presentar nel plazu que s'estableza una propuesta d'escoyeta de proyectos que, amás de cumplir con criterios de calidá, promueva una programación paritaria, incorporando'l mesmu número de mujeres y homes creadores y profesionales siempre que seya posible.

3.1. CATÁLOGU D'ARTES ESCÉNIQUES:

a) **SOLICITANTES.**

Van poder participar nesta convocatoria les personas físiques o xurídiques que cumplan estos requisitos:

- Desenvolver la so actividá principal nel ámbitu de les artes escéniques o otres actividaes rellacionaes con esta disciplina (compañíes profesionales, productores, distribuyidores d'espectáculos escénicos, etc.).
- Tolos proyectos artísticos que se presenten han tar incluyíos nel Catálogu de l'Actividá Escénica asturiana de calter profesional, creáu pola Resolución de la Consejería de Cultura, Política Llingüística y Turismu de fecha 30 d'avientu del 2020 y actualizáu en resoluciones soxesives.
- Atopase al corriente de les sos obligaciones tributaries col Estáu y cola comunidá autónoma del Principáu d'Asturias, amás de les obligaciones cola Seguridá Social.
- Tar daos d'alta na Seguridá Social y n'epígrafe correspondiente del Impuestu d'Actividaes Económiques y acreitar la solvencia técnica requerida primero d'empezar les actividaes nel casu de que'l proyectu resulte escoyíu.

b) **CARACTERÍSTIQUES DE LOS PROYECTOS ARTÍSTICOS QUE PUEDEN PARTICIPAR NESTA CONVOCATORIA.**

Les características qu'hán cumplir les propuestes son estes:



- **XÉNERU:** Pueden presentase a esta convocatoria espectáculos d'estes manifestaciones artísticas: teatru, danza, circu, maxa, teatru d'oxetos y títeres, cuntacuentos y llectures dramatizaes de formatos, estilos y públicu oxetivu variaos.
- **LLINGUA:** Nel casu de proyectos con testos, estos van poder representase priorizando l'usu del castellanu, asturianu y gallego-asturianu.
- **SEDES:** Les representaciones van exhibise nos espacios que la SPXP determine, que pueden ser espacios escénicos convencionales, non convencionales o les cais de tolos conceyos asturianos interesaos en participar nos circuitos culturales.

Nel casu de los espectáculos de cai va ser menester que se detalle na propuesta si se contempla alternativa nel casu de condiciones meteorolóxiques adverses y/o les considerances qu'hán tenese en cuenta nel casu de que por esta razón nun seja viable'l desenvolvimientu de l'actividá o espectáculu na fecha y hora conveníos (posible aplazamientu y antelación necesaria pa tomar el determinín, gastos ineludibles, etc.).

Tolos espacios propuestos han cumplir la llexislación vixente en materia de segurana pa espectáculos públicos y actividaes recreatives y la referida a prevención de riesgos llaborales pa la celebración d'espectáculos según normativa vixente al tiempu de desenvolver l'actividá.

- **NÚMBERU D'ESPECTÁCULOS POR COMPAÑÍA, PRODUCTORA O DISTRIBUYIDORA Y FUNCIONES:** El númeru final de proyectos que se contraten va determinalu'l presupuestu disponible y amás van tenese en cuenta estos aspectos cola mira de garantizar un circuitu diversu:

- Va tenese como finalidá que'l 20 % de los espectáculos que se contraten seyan proyectos de danza o circu, a tenor de la configuración de los espectáculos del circuitu y los pidimientos de los consistorios.
- Va buscarse una proporcionalidá na contratación d'espectáculos de formatu grande o pequeñu.
- Va proponese que'l 20 % de los espectáculos que se contraten seyan n'asturianu o en gallego-asturianu.

El máximu de propuestes pa participar nesta convocatoria por compañía profesional, productora o distribuyidora ye de seis proyectos d'ente los integrantes del Catálogu de l'Actividá Escénica asturiana de calter profesional, creáu por Resolución de la Conseyería de Cultura, Política Llingüística y Turismu de fecha 30 d'avientu del 2020 y actualizáu en resoluciones soxesives.

Cada espectáculu va poder presentase al traviés d'una canal namás.

- **MEDIOS TÉCNICOS Y HUMANOS:** Les compañíes profesionales, productores o distribuyidores han poner los medios técnicos (de los que nun disponga la sede col costu que se detallare na propuesta si lu hubiere) y humanos (actores, actrices y técnicos) que seyan menester pa la representación del espectáculu.



- **TEMPORALIDÁ Y FECHES:** Les representaciones van facese ente'l 1 de xunetu y el 31 d'avientu del 2023.
- **PRESUPUESTU MÁXIMU POR PROYECTU:** Establezse un caché máximo por espectáculo pa presentase a esta convocatoria de 2.000 € + IVA nel casu d'espectáculos de formatu pequeñu y de 6.000 € + IVA nel casu de proyectos de formatu medianu o grande.

Con esa mira, defínense como producciones escéniques de formatu pequeñu aquelles que pa una solución espacial y escenográfica precisen necesidaes mímines pal treslláu del espectáculo, requieren un tamañu escénicu máximo de 5x4 m y intervién un equipu base máximo de trés personnes pa solucionar y dar siguimientu a la realización artística y les representaciones de la puesta n'escena.

Los demás proyectos escénicos van considerase de formatu medianu o grande na determinación del caché máximo.

c) **PRESENTACIÓN DE SOLICITÚES. DOCUMENTACIÓN QU'HA PRESENTASE.**

Les solicitudes han presentase al traviés de la web <http://panel.asturiasculturaenrede.es>

Documentación qu'ha presentase y procedimientu:

- 1º. Activar na plataforma, col *check* habilitáu con esa mira, aquellos proyectos que la compañía profesional, productora o distribuyidora tien incluyíos nel Catálogu de l'Actividá Escénica profesional asturiana y colos que quier participar nesta convocatoria.
- 2º. Especificar n'apartáu correspondiente información detallada sobre los derechos d'autor y el formatu de proyectu (formatu pequeñu o grande).
- 3º. Incluir na plataforma n'apartáu “Mi compañía”, el currículum de la compañía, del creador o creadores y/o de los artistes, en formatu pdf.
- 4º. Incluir na plataforma, n'apartáu del espectáculo col que se quier participar nesta convocatoria, el planu de lluces y d'escenariu del montaxe con descripción detallada de les necesidaes técnicas necesaries (les que nun pon la entidá que participa na convocatoria*), en formatu pdf.
- 5º. Incluir na plataforma, n'apartáu del espectáculo col que se quier participar nesta convocatoria, enllaz a grabación de la propuesta acabada o d'un ensayu y/o enllaz a dossier fotográficu con imáxenes en resolución alta d'un ensayu o la obra acabada.

*La dotación mínima esixida a les sedes interesaes en programar n'espacios técnicos convencionales va ser esta:

- Teatru a la italiana: Fondu: 5 metros. Embocadura: 6 metros. Altor: 3 metros.
- Tomes d'electricidá con una potencia mínimo de 15.000 W.
- Accesu afayadizu pal públicu y carga y descarga de materiales y cumplimientu de les normes llegales d'aplicación.
- Disponibilidá d'un técnico (audiovisual, de maquinaria, iluminación y soníu).



3.2. CATÁLOGU DE PROYECTOS MUSICALES:

a) SOLICITANTES.

Van poder participar nesta convocatoria les persones físiques o xurídiques que cumplan estos requisitos:

- Desenvolver la so actividá principal nel ámbitu de la interpretación, distribución, exhibición y promoción musical o otres actividaes rellacionaes con esta disciplina.
- Tolos proyectos artísticos que se presenten han tar incluyíos nel Catálogu de l'Actividá Musical asturiana de calter profesional, creáu por Resolución de la Consejería de Cultura, Política Llingüística y Turismu de fecha 3 de mayu del 2021 y actualizáu en resoluciones socesives.
- Atopase al corriente de les sos obligaciones tributaries col Estáu y cola comunidá autónoma del Principáu d'Asturias, amás de les obligaciones cola Seguridá Social.
- Tolos interesaos han tar daos d'alta na Seguridá Social y nel epígrafe correspondiente del Impuestu d'Actividaes Económiques y acreitar la solvencia técnica requerida primero d'empezar les actividaes nel casu de que'l proyectu resulte escoyíu.

b) CARACTERÍSTIQUES DE LOS PROYECTOS MUSICALES QUE PUEDEN PARTICIPAR NESTA CONVOCATORIA.

Les característiques qu'han cumplir les propuestes son estes:

- **XÉNERU:** Pueden presentase a esta convocatoria toles manifestaciones musicales de formatos, estilos y públicu oxetivu variaos, como rock, folk, indie, pop, instrumental, clásica, tradicional, coral, electrónica, esperimental, etc.
- **LLINGUA:** Nel casu de proyectos con testos, estos van poder interpretase en llingües diferentes, priorizando l'usu del castellanu, asturianu y gallego-asturianu.
- **SEDES:** Los conciertos van desenvolverse nes sales o espacios asitiaos en cualquier conceyu del Principáu d'Asturias que la SPXP determine. Pa escoyelos, ta previsto establecer un conveniu de collaboración colos representantes de los Conceyos interesaos nel proyectu.

Tolos espacios propuestos han cumplir la llexislación vixente en materia de segurana pa espectáculos públicos y actividaes recreatives y la referida a prevención de riesgos llaborales pa la celebración d'espectáculos según normativa vixente al tiempu de desenvolver l'actividá.

- **NÚMERO DE PROYECTOS POR SOLISTA O GRUPU:** El número final de proyectos que se contraten va determinalu'l presupuestu disponible. El máximu de propuestes pa participar nesta convocatoria por solista o grupu ye de trés proyectos musicales d'ente los integrantes del Catálogu de l'Actividá Musical asturiana de calter profesional, creáu por Resolución de la Consejería de Cultura, Política Llingüística y Turismu de fecha de 3 de mayu del 2021 y actualizáu en resoluciones socesives.



Una axencia de representación o management va poder presentar proyectos de más d'un solista o grupu, calteniéndose nesti casu'l máximu de trés proyectos por cada solista o grupu representáu.

Cada proyectu va poder presentase al traviés d'una canal namás.

- **MEDIOS TÉCNICOS Y HUMANOS:** Los intérpretes (solistes o bandes), productores o distribuyidores van poner los medios técnicos (de los que nun disponga la sede col costu que se detallare na propuesta si lu hubiere) y humanos (artistes, músicos y técnicos audiovisuales) que seyan menester pal desenvolvimientu del conciertu. El backline va correr a cargu de los artistes.
- **TEMPORALIDÁ Y FECHES:** Los conciertos van programase ente'l 1 de xunetu y el 31 d'avientu del 2023.
- **PRESUPUESTU MÁXIMU POR PROYECTU:** Establezse un caché máximu por conciertu pa participar nesta convocatoria de 2.000 € + IVA nel casu de solistes y de 6.000 € + IVA nel casu de bandes o grupos.

Con esa mira, defínense como proyectos de solistes aquellos que pa una solución espacial precisen necesidaes mínimes pal treslláu de les necesidaes técnicas y instrumentales vinculaes al conciertu, requieren un escenariu máximu de 5x4 m y intervién un equipu base máximu de dos personnes pa solucionar y dar siguimientu a la realización artística y técnica.

Los demás proyectos van considerase de bandes o grupos na determinación del caché máximu.

Pa participar nesta convocatoria nun ye imprescindible tener trabayos publicaos, pero los proyectos presentaos han cumplir parámetros de calidá. Nun van almitise proyectos creaos a costafecha pa esta convocatoria cola mira de poner en valor propuestes con dalgún bagaxe profesional.

c) PRESENTACIÓN DE SOLICITÚES. DOCUMENTACIÓN QU'HA PRESENTASE.

Les solicitudees han presentase al traviés de la web <http://panel.asturiesculturaenrede.es>

Documentación qu'ha presentase y procedimientu:

- 1º. Activar na plataforma, col check habilitáu con esa mira, aquellos proyectos que l'artista, productora o distribuyidora tien incluyíos nel Catálogu de l'Actividá Musical profesional asturiana y colos que quier participar nesta convocatoria.
- 2º. Especificar n'apartáu correspondiente información detallada sobre los derechos d'autor y el formatu de proyectu (impulsáu por solistes o grupos o bandes).
- 3º. Incluir na plataforma, n'apartáu "Mi compañía", el currículum del grupu y los artistes y/o de los solistes, en formatu pdf.
- 4º. Incluir na plataforma, n'apartáu del proyectu col que se quier participar a esta convocatoria, una descripción detallada de les necesidaes técnicas necesaries (que nun pon la entidá que participa na convocatoria)*, en formatu pdf.
- 5º. Incluir na plataforma, n'apartáu del proyectu col que se quier participar nesta convocatoria, enllaz a videu d'un cantar executáu en directo y semeya/es y/o imaxe/imáxenes oficial/es del grupu o solista.



* La dotación mínima esixida a les sedes interesaes en programar va ser esta:

- Equipu básicu de soníu.
- Mesa de soníu de 16 canales.
- 3 monitores.
- Microfonía básica.
- Pies de micro.
- Caxes d'inyección.
- Cable necesario pa tol equipu.

3.3. CATÁLOGU DE PROYECTOS LLITERARIOS:

a) SOLICITANTES.

Van poder participar nesta convocatoria les persones físiques o xurídiques que cumplan estos requisitos:

- Desenvolver la so actividá principal nel ámbitu de la lliteratura y la difusión de les lletres.
- Atopase al corriente de les sos obligaciones tributaries col Estáu y cola comunidá autónoma del Principáu d'Asturias, amás de les obligaciones cola Seguridá Social.
- Tolos interesaos han tar daos d'alta na Seguridá Social y nel epígrafe correspondiente del Impuestu d'Actividaes Económiques y acreitar la solvencia técnica requerida primero d'empezar les actividaes nel casu de que'l proyeetu resulte escoyíu.

b) CARACTERÍSTIQUES DE LOS PROYECTOS LLITERARIOS QUE PUEDEN PARTICIPAR NESTA CONVOCATORIA.

Les caratterístiques qu'han cumplir les propuestes son estes:

- **XÉNERU:** Los proyectos van poder pertenecer a cualquier xéneru lliterariu: novela, microrrellatu, poesía, teatru, ensayu o cuentos.
- **PÚBLICU OXETIVU:** Los proyectos nun tienen qu'axustase a una tipoloxía de público determinada.
- **TIPOLOXÍA:** Actividaes qu'ayuden a la difusión de les lletres y la promoción de la lliteratura, como llectures dialóxiques, alcuentros lliterarios, clubes de llectura, talleres creativos y lliterarios, muestres espositives, conferencies, ponencias y coloquios, presentaciones de llibros o disertaciones lliteraries, ente otros.
- **LLINGUA:** Van aceptase proyectos en castellanu, asturianu y gallego-asturianu.
- **SEDES:** Les actividaes van desenvolverse nes biblioteques públiques, les sales o espacios asitiaos en cualquier conceyu del Principáu d'Asturias que la SPXP



determine. Pa escoyelos ta previsto establecer un conveniu de collaboración colos representantes de los Conceyos interesaos nel proyectu.

Tolos espacios propuestos han cumplir la llexislación vixente en materia de segurana y la referida a prevención de riesgos llaborales pa la celebración d'actividaes culturales, según normativa vixente al tiempu de desenvolver l'actividá.

- **NÚMBERU DE PROYECTOS POR PROFESIONAL O ENTIDÁ:** El númeru final de proyectos que se contraten va determinalu'l presupuestu máximu disponible. El máximu de propuestes pa participar nesta convocatoria por profesional o entidá ye de trés proyectos lliterarios.
- **MEDIOS TÉCNICOS Y HUMANOS:** Los profesionales o entidaes van poner los medios técnicos (de los que nun disponga la sede) y humanos que seyan menester pal desenvolvimientu de l'actividá.
- **TEMPORALIDÁ Y FECHES:** Les actividaes van programase ente'l 1 de xunetu y el 31 d'avientu del 2023.

PRESUPUESTU MÁXIMU POR PROYECTU: Establezse un caché máximu por actividá pa participar nesta convocatoria de 800 € + IVA, sacante les muestres espositives, que nesti casu van tener 2.500 € + IVA de tope presupuestariu.

DERECHOS D'EXHIBICIÓN: El profesional o entidá ha tener los derechos de propiedá intelectual pa exhibir o mostrar el proyectu que proponga.

c) PRESENTACIÓN DE SOLICITÚES. DOCUMENTACIÓN QU'HA PRESENTASE.

Les solicitúes han presentase al traviés de la web <http://panel.asturiasculturaenrede.es>

Documentación qu'ha presentase:

- 1º. Impresu de solicitú, proyectu lliterariu y presupuestu d'alcuerdu col modelu establecíu n'ANEXU I.
- 2º. Declaración responsable d'alcuerdu col modelu establecíu n'ANEXU II si resulta d'aplicación.
- 3º. Curículum del profesional o la entidá que presenta'l proyectu.
- 4º. Descripción detallada de les necesidaes técnicas necesaries (que nun pon la entidá que participa na convocatoria).
- 5º. Semeya/es ilustrativa/es del proyectu (opcional).
- 6º. Enllaz a videu (opcional).

3.4. CATÁLOGU D'ACTIVIDAES DE DIVULGACIÓN DE LA HISTORIA, L'ARQUEOLÓXIA, EL PATRIMONIU, LA CULTURA POPULAR Y LA TRADICIÓN ASTURIANA



a) SOLICITANTES.

Van poder participar nesta convocatoria les persones físiques o xurídiques que cumplan estos requisitos:

- Desenvolver la so actividá principal nel ámbitu de la investigación o programación d'actividaes culturales.
- Atopase al corriente de les sos obligaciones tributaries col Estáu y cola comunidá autónoma del Principáu d'Asturias, amás de les obligaciones cola Seguridá Social.
- Tolos interesaos han tar daos d'alta na Seguridá Social y nel epígrafe correspondiente del Impuestu d'Actividaes Económiques y acreitar la solvencia técnica requerida primero d'empezar les actividaes nel casu de que'l proyeetu resulte escoyíu.

b) CARACTERÍSTIQUES DE LOS PROYECTOS CULTURALES QUE PUEDEN PARTICIPAR NESTA CONVOCATORIA.

Les característiques qu'han cumplir les propuestes son estes:

- **TEMÁTICA Y DISCIPLINES:** Los solicitantes van poder proponer proyectos rellacionaos cola divulgación de la historia, l'arqueoloxía, el patrimoniu, la cultura popular y la tradición asturiana como:
 - Acciones d'educación y aprendimientu interxeneracional: proyectos de difusión de la cultura gastronómica, la etnografía, los oficios tradicionales, la evolución de la vida cotidiana nel campu, etc. al traviés de ponencias, coloquios y alcuentros, recreación d'ambientes, muestres en vivo, esposiciones, talleres demostrativos o didácticos, desenvolvimientu de proyectos tecnolóxicos o audiovisuales, acciones de tradición oral, etc.
 - Divulgación de la música, el folclor y manifestaciones deportives declaraes Bien d'Interés Cultural al traviés d'actuaciones, bailes o composiciones musicales, muestres en vivo, desenvolvimientu de proyectos de creación artística pa la reinterpretación contemporánea de la tradición, instalaciones, etc.
 - Difusión de la historia, l'arqueoloxía y el patrimoniu asturianu cola programación de conferencies y ponencias de divulgación d'aspectos rellacionaos cola tradición cultural, l'antropoloxía, l'arqueoloxía o la ciencia, o bien al traviés del desenvolvimientu de proyectos audiovisuales, espositivos, diseñu de rutes interpretatives qu'ayuden al so conocimientu.
- **PÚBLICU OXETIVU:** Los proyectos nun tienen qu'axustase a una tipoloxía de públicu determinada.
- **LLINGUA:** Van aceptase proyectos en castellanu, asturianu y gallego-asturianu.
- **SEDES:** Les actividaes van desenvolvese nes sales, contorna o espacios asitiaos en cualquier conceyu del Principáu d'Asturias que la SPXP determine. Pa escoyelos ta previsto establecer un conveniu de collaboración colos representantes de los Conceyos interesaos nel proyeetu.



Tolos espacios propuestos han cumplir la llexislación vixente en materia de segurana pa espectáculos públicos y actividaes recreatives y la referida a prevención de riesgos llaborales pa la celebración d'espectáculos según normativa vixente al tiempu de desenvolver l'actividá.

- **NÚMBERU DE PROYECTOS POR PROFESIONAL O ENTIDÁ:** El númeru final de proyectos que se contraten va determinalu'l presupuestu máximu disponible.

El máximu de propuestes pa participar nesta convocatoria por profesional o entidá ye de trés proyectos culturales o acciones.

Amás, va tenese como finalidá que'l 50 % de les actividaes que se contraten seyan proyectos qu'ayuden a la difusión del asturianu o'l gallego-asturianu, a tenor de la configuración de los proyectos y actividaes del circuitu y los pidimientos de los consistorios.

- **TEMPORALIDÁ Y FECHES:** Los proyectos van programase ente'l 1 de xunetu y el 31 d'avientu del 2023.
- **PRESUPUESTU MÁXIMU POR PROYECTU:** Establezse un caché máximu por actividá pa participar nesta convocatoria de 800 € + IVA, sacante les muestres espositives o proyectos de bandes o grupos, que nesti casu van tener 2.500 € + IVA de tope presupuestariu.
- **DERECHOS D'EXHIBICIÓN:** El profesional o entidá ha tener los derechos de propiedá intelectual pa exhibir o mostrar el proyectu que proponga.

c) PRESENTACIÓN DE SOLICITÚES. DOCUMENTACIÓN QU'HA PRESENTASE.

Les solicitudees han presentase al traviés de la web <http://panel.asturiesculturaenrede.es>

Documentación qu'ha presentase:

- 1º. Impresu de solicitú, proyectu cultural y presupuestu nel formatu recogío n'ANEXU I.
- 2º. Declaración responsable d'alcuerdu col modelu establecíu n'ANEXU II si resulta d'aplicación.
- 3º. Curriculum del profesional o la entidá que presenta'l proyectu.
- 4º. Descripción detallada de les necesidaes técnicas (que nun pon la entidá que participa na convocatoria).
- 5º. Semeya/es ilustrativa/es del proyectu (opcional).
- 6º. Enllaz a videu (opcional).

4.- PRESENTACIÓN DE SOLICITÚES. SITIU Y FORMA DE PRESENTACIÓN.

La documentación requerío ha presentase esclusivamente al traviés del rexistru creáu con esa mira, accesible al traviés de la URL <http://panel.asturiesculturaenrede.es> a partir del 15 de marzu del 2023 a les 12:00 h.

Nun van almitise propuestes que s'unvien al traviés d'otres canales.



La compañía, profesional, productora o distribuyidora va poder ver tol tiempu nel so perfil la documentación presentao.

La hora y fecha tope de presentación de les solicitudes van ser les **12:00 horas del martes 4 d'abril del 2023**. Desque remate'l plazu de solicitú, la plataforma va quedar inhabilitada pa facer cualquier clas de cambéu na documentación presentao hasta que la convocatoria se resuelva.

5.-VALIDACIÓN DE LOS PROYECTOS Y CATALOGACIÓN.

Pa la validación de los proyectos o propuestas presentaes va constituyise una Comisión de Valoración que va ser l'órganu colexáu encargáu de validar les solicitudes d'alcuerdu colos criterios fixaos nestes bases.

La Comisión de Valoración va tener una composición paritaria y va publicase na web www.asturiasculturaenrede.es primero d'acabar la convocatoria.

Tolos miembros de la comisión de valoración van tener voz y votu. La Comisión de Valoración va tar constituyida válidamente cuando tean presentes más de la metá de los sos integrantes. Los sos alcuerdos van tomase por mayoría simple de los miembros. Nel casu d'empate, va corresponder a la presidencia resolver col so votu'l resultáu de la votación.

La Comisión va poder pidir a los interesaos toles aclaraciones, información o documentación complementario que seja menester pa la valoración correcta de los proyectos.

La resolución va tomase, y va comunicase a los interesaos, primero del 30 d'abril del 2023 y va publicase na web www.asturiasculturaenrede.es.

Criterios de valoración. La Comisión de Valoración va poder proponer la esclusión d'aquelles solicitudes que nun cumplan colos requisitos de participación y va calificar les propuestas presentaes como “Escoyíu” o “Non escoyíu”, valorando la so adecuación a estos criterios:

1. Interés cultural y artístico del proyecto.

Va valorase la calidá, orixinalidá, calter novedoso y repercusión pública del proyecto, la busca de variedá de públicu y el riesgu artístico de la programación.

Va tenese en consideranza'l grau d'ellaboración, detalle y concreción de la propuesta, amás de la so proyección, valorando positivamente los premios recibíos en convocatories d'alministraciones públiques y de los sos organismos públicos vinculaos o dependientes.

2. Trayectoria, experiencia y formación de los artistas y profesionales.

Va valorase la experiencia y trayectoria de la compañía, productora, distribuyidora y los artistes, amás de la so formación.

3. Viabilidad técnica, económica y rigor presupuestariu.



Va ser oxetu de valoración l'adecuación del presupuestu al númberu d'artistes, técnicos y trabayadores implicaos y los medios técnicos que s'apurran.

Va tenese consideranza especial con aquelles propuestes que:

- Fomenten la igualdá cola participación equilibrada d'homes y mujeres nel espectáculo, qu'usen un llinguaxe inclusivu, que promuevan una mayor visibilidá de la mujer, que propongan la construcción de personaxes y discursos dende la identidá de xéneru o que tean impulsos por mujeres.
- Difundan l'usu del asturianu o'l gallego-asturianu col so usu nos documentos de solicitú, los soportes de difusión o nel desenvolvimientu del propiu proyeetu, teniendo en cuenta la corrección llingüística y el so calter normalizador.
- Se complementen con una programación d'actividaes paraleles y/o que fomenten l'accesibilidá.

Desque valoraos tolos proyeutos, la Comisión de Valoración va emitir un informe indicando qué proyeutos considera “Escoyíos” y “Non escoyíos”.

6.- ELLABORACIÓN DE LOS CATÁLOGOS DIXITALES:

Coles propuestes calificaes como “Escoyíos” de cada disciplina, la SPXP va ellaborar un catálogu dixital temáticu que va ponerse a disposición de los Conceyos pa qu'éstos escueyan los proyeutos que quieran incorporar na so programación cultural ente'l 1 de xunetu y el 31 d'avientu del 2023.

7.-DOCUMENTACIÓN QU'HA PRESENTASE SOBRE LOS PROYECTOS DEL CATÁLOGU QUE SE VAIGAN REPRESENTAR O PROGRAMAR DE CADA CIRCUITU.

Los interesaos con proyeutos escoyíos pa la so representación o programación nos circuitos culturales han presentar nel plazu máximu de 15 días naturales, cuntaos dende'l día que-yos lo pidan, esta documentación:

- a) Documentos qu'acreíten la personalidá del solicitante. Si'l solicitante fore persona xurídica, ha acreitase cola presentación de la escritura de constitución o modificación, si ye'l casu, inscrita correctamente nel Rexistru Mercantil cuando esti requisitu seja esixible según la llexislación mercantil aplicable. Si esti requisitu nun fore esixible, la capacidá d'obrar ha facese cola escritura o documento de constitución, estatutos o acta fundacional, onde consten les normes poles que se regula la so actividá, inscritos, si ye'l casu, nel Rexistru Oficial correspondiente. Pa los empresarios individuales y les personas físiques va ser obligatoria la presentación de la fotocopia llexitimada notarialmente o compulsada del DNI o documentu que, si ye'l casu, lu sustituya reglamentariamente
- b) Documentos qu'acreíten, si ye'l casu, la representación. Los que comparezan o firmen ufiertes en nome d'otru han presentar Documentu Nacional d'Identidá y



poder. Esti poder ha figurar inscritu nel Rexistru Mercantil o, si ye'l casu, nel Rexistru Oficial correspondiente. Si se trata d'un poder p'actu concretu, nun ye menester la inscripción nel Rexistru Mercantil, d'alcuerdu col artículu 94.5 del Reglamentu del Rexistru Mercantil.

c) Acreditación d'atopase al corriente d'obligaciones tributaries y cola Seguridá Social:

- Impuestu sobre Actividaes Económiques: Alta nun epígrafe rellacionáu col oxetu de la convocatoria referida al exerciciu corriente, o últimu recibu, amás d'una declaración de nun tar dau de baxa na matrícula del impuestu mentáu, o bien certificáu de situación al respective d'esti impuestu emitíu pola Axencia Tributaria.
- Certificación positiva acreitativa d'atopase al corriente de les obligaciones tributaries col Estáu emitida pola Axencia Estatal de l'Alministración Tributaria.
- Certificación positiva del Ente Público de Servicios Tributarios del Principáu d'Asturias acreitativa d'atopase al corriente de les obligaciones tributaries col Principáu d'Asturias.
- Certificación positiva d'atopase al corriente de les obligaciones cola Seguridá Social espidida pola Tesorería Xeneral de la Seguridá Social.
- Acreditación sobre la propiedá de los derechos d'autor usaos na representación pola que la entidá solicitante tien autorización del propietariu llexítimu de los derechos d'autor pa interpretar el proyeetu, lo qu'acreíta col documentu oportunu emitíu pola Sociedá Xeneral d'Autores d'España (SGAE); o bien declaración responsable de que l'autoría del proyeetu ye suya y que tien tolos derechos correspondientes pa desenvolver el proyeetu.
- Seguru de responsabilidá civil.

NOTES ACLARATORIES:

- Nun van tener que presentar l'impuestu d'actividaes económiques aquelles personas que nun desenvuelvan actividaes empresariales, profesionales o artístiques vinculaes col oxetu d'esta convocatoria y cuando la retribución de les sos propuestes pola SPXP se tenga que considerar un rindimientu del trabayu según l'artículu 17.2 de la Llei del IRPF:

“En tou casu, han tener la consideranza de rindimientos del trabayu: [...]”

- c) Los rindimientos derivaos d'impartir cursos, conferencies, coloquios, seminarios y asemeyaos.
- d) Los rindimientos derivaos de la ellaboración d'obres lliteraries, artístiques o científiques, siempre que se ceda'l derechu a la so esplotación.”

Nesti supuestu, la retribución ha tar suxeta a una retención d'alcuerdu colo establecío n'artículu 80 del Reglamentu del IRPF.

Nesti supuestu, el solicitante ha presentar una declaración responsable indicando que la renta derivada del contratu que va soscibirse ha considerase como rindimientu del trabayu.



- **El seguru de responsabilidá civil** namás va esixise nel casu de que la SPXP considere que la execución del proyectu o actividá supón la existencia d'un riesgu de daños a terceros.

Les solicitúes que, siendo propuestes pa realizar el so proyectu, nun acreíten dientro del plazu establecíu'l cumplimiento de les obligaciones requeríes o nun presenten la documentación en plazu, van poder descartase.

8.-FORMALIZACIÓN DE LOS CONTRATOS.

Desque acreitaos los requisitos de participación, han formalizase los contratos correspondientes d'alcuerdu colo establecío na Llei de Contratos del Sector Públicu.

9.-OBLIGACIONES DE LES ENTIDADES SELECCIONAES.

Nel casu de resultar escoyida la so propuesta pa la representación nos circuitos, les compañíes, les productores, les distribuyidores y/o los artistes comprométense a:

- Facer les representaciones artísticas, actividaes o proyectos nes feches, hores y términos conveníos.
- Poner a disposición de la SPXP los materiales gráficos y audiovisuales al so algame pa facilitar la promoción y difusión del espectáculo o actividá.
- Difundir los espectáculos o actividaes al traviés de los sos medios d'información (web, redes sociales, mailing, etc.) y collaborar cola SPXP na atención a los medios de comunicación nel casu de que seya menester.
- Aceptar l'usu del nome de la compañía, productora, distribuyidora y/o artista/es p'acciones promocionales o de comunicación del proyectu.
- Disponer de los derechos d'autor pertinentes pa poder representar l'espectáculo.
- Rellenar una fueya d'evaluación de cada eventu que va facilitar la SPXP cola mira de recopilar datos tocante a los perfiles de públicu, criterios organizativos, desenvolvimientu, etc. L'oxetivu ye incorporar la información a una memoria final d'evaluación del proyectu.
- Facturar nel plazu de diez días desque remate l'actividá.
- Presentar la documentación que resulte d'aplicación según la llexislación vixente en materia de segurana llaboral y prevención de riesgos llaborales.

10.-ACEPTACIÓN DE LES BASES.

La presentación d'un proyectu a esta convocatoria supón l'aceptación automática y completa d'estes bases.

| INFORMACIÓN BÁSICA SOBRE PROTECCIÓN DE DATOS | |
|--|---|
| Responsable | SOCIEDÁ PÚBLICA DE XESTIÓN Y PROMOCIÓN TURÍSTICA Y CULTURAL DEL PRINCIPÁU D'ASTURIAS, S.A.U. |
| Finalidá | Participación nos Circuitos Culturales <i>Asturias, Cultura en Rede</i> que promueva la Consejería de Cultura, Política Llingüística y Turismu. |
| Llexitimación | Consentimientu del interesáu. |



| | |
|-----------------------|--|
| Destinatarios | Los datos van poder cedese a les sales o espacios culturales asitiaos en dellos conceyos del Principáu d'Asturias. Amás, los datos de contactu van poder publicase na páxina web www.asturiesculturaenrede.es |
| Derechos | Acceder, correxir y suprimir los datos, amás d'otros derechos, como s'esplica na información adicional. |
| Información Adicional | Pue consultar la información adicional y detallada sobre Protección de Datos na nuestra páxina web: https://www.turismoasturias.es/aviso-legal |

CONTACTU P'ACLARACIONES:

Sociedá Pública de Xestión y Promoción Turística y Cultural del Principáu d'Asturias

Llaboral Ciudá de la Cultura

C/ Luis Moya Blanco, 261

33203 Xixón

Corréu: mroces@turismoycultura.asturias.es

Tfnu.: 985185858 (Departamentu de Coordinación d'Equipamientos) De llunes a viernes de 10:00 a 16:00 horas.